

## Հետազոտական աշխատանք

<p><b>Կազմակերպության տվյալներ</b></p> <ul style="list-style-type: none"> <li>• Անվանում, հասցե</li> <li>• Տնօրեն</li> <li>• Էլ.հասցե</li> <li>• Հեռախոս</li> </ul>	<p>«Մասնակցային դպրոց» կրթական հիմնադրամ Վահրամ Սողոմոնյան <a href="mailto:masnakcayindproc@gmail.com">masnakcayindproc@gmail.com</a> +37493581908</p>
<p><b>Հետազոտության թեմա/վերնագիր</b></p> <ul style="list-style-type: none"> <li>• Հետազոտության թեմա</li> </ul>	<p>SՀՏ գործիքների կիրառումը որպես սովորողի մոտիվացիան բարձրացնելու միջոց անգլերենի դասաժամերին:</p>
<p><b>Ուսուցչի տվյալներ</b></p> <ul style="list-style-type: none"> <li>• Անուն, ազգանուն, հայրանուն</li> <li>• Մասնագիտություն</li> <li>• Հեռախոս</li> <li>• Էլ. հասցե</li> <li>• Դասավանդվող առարկաներ</li> <li>• Դասարաններ</li> </ul>	<p>Երիցյան Գայանե Ալբերտի ուսուցիչ 094002692 <a href="mailto:gayaneyeritsyan7@gmail.com">gayaneyeritsyan7@gmail.com</a>  անգլերեն 3-9-րդ դասարաններ</p>
<p><b>Ուսումնական հաստատության տվյալներ</b></p> <ul style="list-style-type: none"> <li>• Անվանումը, հասցե</li> <li>• Հեռախոս</li> <li>• Էլ. հասցե (տնօրենության)</li> <li>• Web կայքի հասցե</li> </ul>	<p>Վանաձորի Պ.Տիչինայի անվան թիվ 20  հիմնական դպրոց  • 4-00-74 • <a href="mailto:vanadzor20@schools.am">vanadzor20@schools.am</a> <a href="http://vanadzor20.schoolsite.am">vanadzor20.schoolsite.am</a></p>

# Բովանդակություն

<b>Ներածություն</b>	<b>3</b>
<b>Հիմնական բովանդակություն</b>	<b>4</b>
<b>Եզրակացություններ, առաջարկություններ</b>	<b>5</b>
<b>Օգտագործված գրականության ցանկ</b>	<b>6</b>
<b>Հավելվածներ</b>	<b>7</b>

# Ներածություն

<p><b>Նպատակը եւ հետազոտական հարցը</b></p>	<p>Հիմնահարց-Հնարավոր է արդյո՞ք բարձրացնել սովորելու մոտիվացիան 5-րդ դասարանում Kahoot գործիքի կիրառմամբ:</p> <p>Փամանակակից կրթական գործունեության ընթացքում դասավանդման մեջ ավելի շատ են օգտագործվում տեղեկատվական տեխնոլոգիաները: Տեխնոլոգիաների օգտագործումը սովորողների մոտ առաջացնում է հետաքրքրասիրություն դասավանդվող առարկայի և սովյալ դասի նկատմամբ և առավել հաջողված է դարձնում ուսուցման գործընթացը: Բացի այդ տեղեկատվական տեխնոլոգիաները հնարավորություն են տալիս աշակերտներին ցուցաբերել բարձր ակտիվություն կրթական գործունեության մեջ և ապահովում են բոլոր սովորողների ներգրավվածությունը դասապրոցեսում: Հետազոտության հիմնական նպատակն էր ուսումնասիրել և կիրառել այն տեղեկատվական տեխնոլոգիաները, որոնց միջոցով հնարավոր է բարձրացնել սովորողների մոտիվացիան՝ հատկապես 5-րդ դասարանում, երբ աշակերտները սկսում են ուսումնառությունը միջին օղակում: Հետազոտության նպատակներից էր նաև ուսումնասիրել, թե որքանով է նպաստում տեխնոլոգիաների կիրառումը սովորողների ինֆորմոլոգիայի, տրամաբանության և հիշողության զարգացմանը:</p>
<p><b>Ո՞ր առանցքային կոմպետենցիային/կարողունակությանն է ուղղված նպատակի ուսումնասիրությունը</b></p>	<p>Լեզվական գրագիտություն և կարողունակություն Թվային և մեդիա գրագիտություն Սովորել սովորելու կարողունակություն</p>

<p><b>Ջեռագոտության թիրախային խումբը և շրջանակը /քանակ, սեռային բաշխում/</b></p>	<p>Ջեռագոտության աշխատանքի համար ընտրվել է 5-րդ դասարանը, որտեղ սովորում է 30 աշակերտ, որից աղջիկ, տղա:</p>
<p><b>Օգտագործված հետազոտական մեթոդները, գործիքները (օրինակ՝ քանական հետազոտություն՝ հարցաթերթիկի միջոցով, որական հետազոտություն՝ խորին հարցազրույցի միջոցով եւ այլն)</b></p>	<p>Ջեռագոտության ընթացքում կիրառվել է դիտարկման մեթոդը, որի ընթացքում շեշտը դրվել է մոտիվացիայի վրա:</p>
<p><b>Ջեռագոտության իրականացման ժամանակահատվածը</b></p>	<p>10.09.2023-20.09.2023</p>

# Հիմնական բովանդակություն

<p><b>Գրականության ակնարկ</b></p> <ul style="list-style-type: none"> <li>• Մեջբերումներ արդեն արված հետազոտություններից,</li> <li>• Մեջբերումներ գրականությունից, տեղեկության վստահելի աղբյուրներից:</li> </ul> <p><b><u>Պարտադիր է կատարել հղում աղբյուրին</u></b></p>	<p><b>Ինչ է մոտիվացիան</b></p> <p>Մոտիվացիան առաջացել է լատիներեն <i>movere</i> բառից: Տերմինն առաջին անգամ օգտագործել է Ա. Շոպենհաուերը իր «Բավարար պատճառի չորս սկզբունքներ» հոդվածում:</p> <p>Մոտիվացիայի վերաբերյալ բազմաթիվ սահմանումների ենք հանդիպում, օրինակ՝ մոտիվացիան մարդու կողմից այս կամ այն վարքագծի գիտակցված ընտրության գործընթացն է : Մոտիվացիան համարվում է նաև փաստերի համախումբ, որն օգտագործվում է՝ որպես նպատակներին հասնելու խթանող գործիքներ:</p> <p>Մոտիվացիան այն է, ինչը մեզ ստիպում է սկսել, սովորությունն այն է, ինչը մեզ ստիպում է առաջ գնալ:</p> <p><b>Ձիմ Ռոն</b></p> <p>Մոտիվացիայի ողջ գաղափարը ծուղակ է: Պարզապես արեքդա...և հետո, գուշակեք, թե ինչ: Այն բանից հետո, երբ մենք սկսում ենք ան լ այն, մոտիվացիան պարզապես գալիս է և մեզ համար հեշտացնում է դա անելը:</p> <p><b>Ջոն ՔՄաքսվել</b></p> <p>Սովորողին կարելի է դրդել վախով և պարգևներով, բայց այս երկու մեթոդները միայն ժամանակավոր են: Միակ մնայուն մեթոդը ինքնամոտիվացիան է:</p> <p><b>Հոմեր Ռայս</b></p> <p>Մենք կարող ենք փոփոխել գործունեության տեսակը և կարող ենք նաև փոփոխել դինամիկան, որում տեղի է ունենում այդ գործունեությունը: Դինամիկա ասելով ես նկատի ունեմ, որ երբեմն մարդիկ կարող են աշխատել միայնակ, ինչպես նաև զույգերով կամ խմբերով: <b>Ադամ Սիմփսոն</b></p>

## Յետազոտության ընթացքը

Լեզու սովորելու ընթացքում բազմաթիվ սովորողների համար մոտիվացիան ինքնաբերաբար չի առաջանում, փոխարենը այն խամրում է և անհետանում: Դրա համար սովորելու նկատմամբ մոտիվացիան պետք է խնամքով պահպանվի, որը շատ հաճախ դժվար է լինում ժամանակակից աշխարհում՝ հատկապես 21-րդ դարի սովորողի հետ: Դասավանդման մարտահրավերներից մեկը ինքնամոտիվացիայի բացահայտումն է, խրախուսումն ու առավելությունն է: Երկրորդ (և գուցե ավելի մեծ) մարտահրավերը այն սովորողների հետ գործ ունենալն է, ովքեր կարծես թե չունեն լեզուներ սովորելու ուժեղ մոտիվացիա, որի դեպքում անհրաժեշտ են մոտիվացիայի այլ ձևեր:

Մոտիվացիան կարևոր դեր է խաղում բոլոր մարդկանց վարքագծի և ընտրությունների, ինչպես նաև կրթության և ուսման մեջ: Առանձնացվում է մոտիվացիայի երկու տեսակ.

- Ներքին մոտիվացիա- երբ սովորողն ունի ներքին դրդապատճառներ,
- Արտաքին մոտիվացիա-երբ սովորողի մոտիվացիան ներքին դրապատճառներից դուրս է:

Մոտիվացիան և սովորողների ներգրավվածությունը փոխկապակցված են և այն սովորողը, ով ներառված է սովորելու մեջ ավելի է մոտիվացվում: Հաշվի առնելով այսօրվա դասարանների ծանրաբեռնվածությունը ուսուցիչներից մեծ ջանք ու ստեղծագործական աշխատանք է պահանջում հետաքրքրություն առաջացնել տարբեր կարողություններ ունեցող սովորողների մոտ:

Կրթական համակարգի արդիականացումը բացում է նոր հորիզոններ և հնարավորություններ, բայց միևնույն ժամանակ ավելացնում է ուսուցչի մասնագիտական իրավասության պահանջները: Համակողմանիորեն զարգացած և ժամանակակից տեղեկատվական հասարակության մեջ կյանքին և փոխգործակցությանը պատրաստ աշակերտ կրթելու խնդիրը կարող է լուծել միայն ժամանակակից մանկավարժական և տեղեկատվական տեխնոլոգիաների տիրապետող ուսուցիչը: Ուսուցչի մասնագիտական իրավասության կարևորագույն բաղադրիչներից է նրա պատրաստակամության աստիճանը՝ կիրառելու ժամանակակից տեղեկատվական և հաղորդակցական տեխնոլոգիաները (ՏՀՏ) իր մասնագիտական և մանկավարժական գործունեության մեջ:

**Տեղեկատվական տեխնոլոգիաների օգտագործումը <Անգլերեն> առարկայի դասապրոցեսում՝ որպես սովորողի մոտիվացիան բարձրացնելու միջոց**

Ուսումնական մոտիվացիան սերտորեն կապված է սովորողի անձնային առանձնահատկությունների, հետաքրքրությունների, ընդունակությունների հետ: Սովորողներին սկզբնական շրջանում հետաքրքիր է, ոչ թե գիտելիքը, այլ նոր հարաբերությունները և ուսումնական գործունեության բնույթը, հետագայում արդեն առաջանում է հետաքրքրություն և աստիճանաբար ձեռք է բերում ճանաչողական բնույթ: Ճատ կարևոր է տարբեր իրավիճակներում պահպանել մոտիվացիայի շարունակությունը: Հետևաբար, մեզ անհրաժեշտ են ավելի հետաքրքիր մեթոդներ, միջոցներ, մոտեցումներ, իվերջո այնամենը, ինչը

կօզնի աշկերտներին մոտիվացված պահել, որն էլ կնպաստի ավելի խորը գիտելիքներ ստանալ աշխարհի մասին, արդյունքն էլ կլինի գրագետ, զարգացած երիտասարդությանը: Մոտիվացիան ամենուր է. այն աշխատանքի նկատմամբ հետաքրքրությունն ու ցանկությունն է, որի վրա ազդում են ինչպես արտաքին, այնպես էլ ներքին գործոնները: Ժամանակակից տեխնոլոգիաների զարգացումը ևս մեկ տարբերակ է անհատների մի մեծ բանակի մոտիվացված պահելու: Կրթական գործընթացի շրջանակներում կարևոր տեղ է գրավում սովորելու մոտիվացիան: Մոտիվացիայի նպատակը երեխաների մոտ առարկայի նկատմամբ կայուն հետաքրքրության ձևավորումն է, հաղորդակցական և ստեղծագործական կարողությունների զարգացումը: Ժամանակակից տեխնոլոգիաներն այսօր կիրառվում են մարդկային գործունեության բոլոր ոլորտներում: Գիտելիքների ցանկացած բնագավառում մասնագետի վերապատրաստումը ներառում է օգտագործողների առնվազն պարտադիր ուսուցում, համակարգչային գրագիտությունը դառնում է կրթված մարդու ժամանակակից ըմբռնման բաղադրիչներից մեկը: Այդ իսկ պատճառով այսօր անհրաժեշտ է լուրջ ուշադրություն դարձնել անգլերենի դասավանդման ժամանակ տեղեկատվական տեխնոլոգիաների նոր գործիքների կիրառմանը:

Այսօր ամբողջ աշխարհում ուսուցիչներն ավելի ու ավելի են գիտակցում կրթության մեջ ժամանակակից ՏՅՏ-ների հմուտ օգտագործման առավելությունները: ՏՅՏ-ն օգնում է լուծել հետևյալ խնդիրները՝



- կրթական գործընթացների բարելավում,
- կրթական արդյունքների և մոտիվացիայի բարձրացում,
- ցանցերի ստեղծում և համատեղ նախագծերի իրականացում,
- կրթական գործընթացի կազմակերպման և կառավարման բարելավում:

Սա զարմանալի չէ, քանի որ այն հնարավորությունները, որոնք ՏՀՏ-ն ընձեռում է նորարարական տնտեսության և ժամանակակից հասարակության զարգացման համար, հասանելի են դարձել կրթության համար: Ուսուցիչների առջև խնդիր է դրված աշակերտի ուսումնական գործունեությունն այնպես կազմակերպել, որ ուսուցման համար առավելագույն մոտիվացիա ապահովեն: Կուլեկտիվ առաջադրանքներ կատարելիս աշակերտները կենտրոնանում են ոչ թե արտահայտության ձևի, այլ բովանդակության վրա: Ինչպես գիտենք օտար լեզվի դասավանդման հիմնական նպատակը հաղորդակցական կարողությունների ձևավորումն ու զարգացումն է, այսինքն՝ իրական լեզվական միջավայրում օտարալեզու և միջմշակութային հաղորդակցություն իրականացնելու կարողությունը:

Այսօր երբեմն շատ դժվար է լինում ընտրել համապատասխան ՏՀՏ գործիքներ, որոնք իսկապես նպաստում են սովորողների մոտ մոտիվացիայի խթանմանը: Իմ դասերի ընթացքում պարբերաբար օգտագործելով մի շարք գործիքներ կարող եմ փաստել, որ շատ կարևոր է ճիշտ ընտրություն կատարել և նախապես պլանավորել նրա կիրառումը հստակ ունենալով համապատասխան նպատակ: Այս հետազոտման համար

առանձնացրել են երկու SRS գործիք, որոնք առավել նպաստում են դասապրոցեսի ժամանակ սովորողների մոտիվացիայի խթանմանը: Այդ գործիքներն են **Kahoot** և **LearningApps** ուսումնական պլատֆորմները, որոնք օգտագործվում են որպես ուսումնական տեխնոլոգիա դպրոցներում և այլ տարբեր ուսումնական հաստատություններում:

### **Kahoot գործիքի կիրառման արդյունավետությունը**

Kahoot-ը հիմնադրվել է Նորվեգիայում 2013 թ և օգտագործվում է սովորողի գիտելիքների վերանայման և ձևավորող գնահատման համար, այն նաև համարվում է թարմացող վարժանք: Այս գործիքը հնարավորություն է տալիս սովորողներին աշխատել խմբով կամ զույգերով, որոնք հավաքվում են ընդհանուր էկրանի շուրջ:

Այս գործիքի հետազոտությունն անց են կացրել 5-րդ դասարանում, որտեղ սովորում են 33 աշակերտ, որոնց անհրաժեշտ են մշտական և շարունակական հետաքրքիր նյութեր անգլերեն առարկան ավելի գրավիչ դարձնելու համար: Երբ առաջին անգամ պիտի կիրառեի Kahoot գործիքը հերթական թեման ամփոփելու նպատակով կար մտավախություն, որ սովորողները կունենան որոշ տեխնիկական խնդիրներ, որոնք կխաթարեն դասապրոցեսի սահուն ընթացքը: Սակայն նախնական հստակ պլանավորումն ու նախապատրաստական աշխատանքները նպաստեցին, որ խնդիրներ չառաջանան և գործիքի կիրառումն իսկապես հաջողված էր: Դասն անց է կացվել համակարգչային դասասենյակում, որտեղ կար նաև համացանցային հասանելիություն, մասնակցել են բոլոր սովորողներն իրենց բջջային հեռախոսներով: Դասարանի բոլոր

	<p>աշակերտները խանդավառված էին և հետաքրքրությամբ մասնակցեցին դասապրոցեսին: Իհարկե կային որոշ աշակերտներ ովքեր ունեցան խնդիրներ համացանցին միանալու հետ կապված, սակայն հնարավոր եղավ լուծել այն:</p> <p>Առաջին դասաժամի նպատակն էր առաջ քաշել արձանագրել ուսումնասիրվող դասարանում աշակերտների հետաքրքրվածության և մոտիվացիայի աստիճանը անգլերեն առարկայով և դասի ժամանակ ներկայացվող նյութով՝ կիրառելով Kahoot գործիքը: Հաջորդ դասերի ընթացքում սովորողներն ավելի հմտորեն կիրառեցին գործիքը, խնդիրներ գրեթե չնկատվեցին, մասնակցելու և սովորելու մոտիվացիան ավելի էր բարձրացել:</p>

## Եզրակացություններ, առաջարկություններ

<p><b>Վերհանված արդյունքներ, եզրակացություններ, պատասխան հետազոտական հարցին</b></p>	<p>Այսպիսով ժամանակակից տեխնոլոգիաների կիրառումը հնարավորություն է տալիս դասը դարձնել ավելի հետաքրքիր, վառ, ավելի հիշվող, ինչը թույլ է տալիս հուսալ, որ դասը առանց հետքի չի անցնի յուրաքանչյուր սովորողի համար: ՏՀՏ գործիքների կիրառումը արդարացված է, քանի որ այն թույլ է տալիս ակտիվացնել աշակերտների գործունեությունը, հնարավորություն է տալիս բարելավել երեխաների կրթության որակը, բարելավել ուսուցչի մասնագիտական մակարդակը: Սակայն յուրաքանչյուր գործիք կիրառելուց առաջ ուսուցիչը պետք է մանրամասն պլանավորի և նախապես պատրաստական աշխատանքներ տանի:</p> <p>Քանի որ այս հետազոտման ընթացքում առաջադրանքները կազմված էին ուսումնական նյութին համապատասխան սովորողներն ավելի մոտիվացված էին նյութը յուրացնելու և սովորելու համար: Ուզում են նշել նաև, որ դասարանում ստեղծվեց ընդհանուր համագործակցային մթնոլորտ, երբ բոլորն օգնում են իրար և փորձում լուծում գտնել առաջացած խնդիրները հնարավորինս արագ վերացնելու համար: Նաև նշեմ, որ ինքս ավելի մոտիվացված եմ աշխատել, ստեղծել համապատասխան նյութը և փորձել առավել մեծ հետաքրքրություն առաջացնել առարկայի հանդեպ:</p>
<p><b>Այլ տեղեկատվություն</b></p>	

## Օգտագործված գրականության ցանկ

1. Չայցեվա Մ.Վ.-Մոտիվացիա և դրա բարձրացման որոշ եղանակներ: - 1998թ:
2. Վասիլևա Մ.Մ. Օտար լեզու սովորելու մոտիվացիայի ձևավորման պայմանները: - 1998թ: –Մ. Մանկավարժություն 1998.
3. Թովուզյան Ա. Օ., Գյուլամիրյան Ջ.Յ., Պողոսյան Լ.Մ, Ասատրյան Ս.Ս., Անտոնյան Լ.Ա., Ղազարյան Մ.Չ., Տեղեկատվական տեխնոլոգիաները դպրոցում, ուսումնամեթոդական ձեռնարկ, Երևան, 2018:
4. <https://study.com/learn/lesson/motivation-education-theory-impact.html>-15.09.2023
5. <https://hy.wikipedia.org/wiki/Kahoot!> 18.09.2023

# Հավելվածներ

## Հաշվետվության կցված նյութեր

- Հետազոտության գործիքներ (հարցաթերթիկներ կամ այլ)
- Նկարներ
- Արդյունքներ













